

國家圖書館地方志家譜文獻中心編

孤本舊方志選編

第四冊

不著纂修人

懷安縣志材料（上）

懷安縣志材料 不著纂修人 民國間抄本

懷安有志創自清康熙四十五年（一七〇六）知縣殷邦翰。經一載艱辛，成數代心願。惜未及修訂付梓，殷調升陝西，携稿而去。二修為雍正八年（一七七三）知縣武一韓。武公會政之餘與邑儒周升，探詢訪博，拾遺補缺，完成續修志稿。待印之時，武氏被削職奪官，功敗垂成。三修於乾隆六年（一七四一）知縣楊大昆，三易其稿而成，分八志二十四卷，楊公捐俸付梓。終以一方之志燦然大備，開懷安文獻之先河。四修為光緒元年（一八七六）知縣李葆貞。志書垂成之際，返鄉丁憂。是年八月蔭祿接任，躬親參與，繼前志精華，志以八綱八卷，蔚然大觀。

民國二十三年（一九三四）年察哈爾省成立通志館，飭各縣『一面收供材料，同時促成縣志』。此材料即奉令編纂，上報省府備用，亦可視為縣志初稿。正文六門（五十一目），依序為疆域、關隘、政治、物產、交通、藝文。分訂八冊，各冊書衣上端標注目錄。記事下限止於當年。

本材料重在搜集近六十年之新事，延具有專門學識和經驗的人才整理地理、生物、農學和社會之各種事項。以新觀念、新方法編纂，為民眾傳播新思想。是書所采文字，注重普及一般。遵照部例，行文但求通暢，力避艱深，以期易曉而便覽。

國圖另存民國二十三年景佐綱、張鏡淵纂修懷安縣志十卷首一卷。其書分八門七十九目，此志料多人物和建置。建置門是由志料沿革門中析出的部分小目組成。志料中關隘一門在縣志中併入沿革，學校歸入政治門之教育目。兩書相比，做為鉛印景志成書的類目設置更為合理。

本書編纂於日軍侵華的抗戰時期，修纂者深明大義，寄希望於志書能為民眾知識之導師，實業救國之參謀，為民族復興盡微薄之力。

懷安古屬馬城縣，唐長安二年（八二二）取『懷念思德，安然帖狀』之意始稱『懷安』，屬新州。明洪武二十六年（一三九三）廢縣置衛，清康熙三十二年（一六九三）復置縣，屬直隸宣化府。民國三十年與萬安縣合併，三十四年又析出，仍置懷安。一九五一年縣治遷駐柴溝堡鎮。現為河北省張家口市轄之。

懷安縣志材料

疆域部分上

沿革 經緯度

四界八到 幅員


形勢 名勝

古蹟

懷安縣志材料

疆域部分

懷之疆域，在漢初屬上谷郡。武帝時曾設夸與，乃為今縣胚胎。自唐穆宗長慶二年，置懷安縣，屬新州。邑之得名，自此始焉。惟自東晉以迄元末，迭遭淪沒，廢置益夥。中間或為縣，或為鎮，瞬息萬變，大有飄搖不定之勢。溯及當年，心甚慘然。及朱明光復，置懷安衛於廢縣之西，其西陽河，柴溝堡，左衛，猶歸西路叅將範圍，未入治內。迨清康熙三十二年，改衛為縣，并西柴左三鎮付之；屬宣府，隸直省。縣之區域與位置，始穩定焉。至民國十七年，中華革命，北伐成功，廢區改省，即以口北道原轄十縣，與察屬口外六縣，劃組一察哈爾行省。懷安至是又脫離河北，轉入察籍矣。



志沿革

禹貢

冀州之域

商

屬冀州

周

屬幽州

赧王時燕置上谷郡築長城

秦

始皇二十六年分天下為三十六郡屬上谷郡

漢

初上谷郡 武帝元封元年為夸與縣屬幽州部

考宣鎮志元封元年分天下為十三郡更郡守為太守其屬縣治以今上谷郡屬幽州部領縣十五一曰夸與註夸與今懷安衛按此置縣之始

後漢

光武建武十五年復屬上谷郡縣尋省

獻帝建安十八年省幽并二州歸冀州 三十五年魏丕篡漢復置幽并二州是時府地屬幽州縣地沒於匈奴

晉

武帝太康元年分上谷地置廣寧郡

成帝咸康四年沒於後趙石勒

穆帝永和六年沒於燕慕容皝

帝奕太和五年沒於秦苻堅

孝武太元元年沒於後燕慕容垂 二十一年沒於魏拓拔珪

宋

順帝昇明三年元魏合上谷廣寧為東燕州改其縣下落曰文德

按宣鎮志下落今鎮城 遼史地理志文德縣本漢女新縣地元魏置 唐為武州

遼屬歸化州高縣鎮 燕奏分文德縣地置懷安縣

陳

武帝永定二年北齊改東燕州為北燕州

唐

太宗貞觀八年改北燕為媯州其武州西沒於突厥者咸取之屬河北道

是時縣廢為懷荒鎮

按遼史地理志懷安縣本漢夸與縣地歷魏至隋為突厥所據
唐克頡利縣遂廢為懷荒鎮

玄宗天寶二載改媯州為媯川郡山後諸縣屬之其武州仍領縣文德
穆宗長慶二年置為懷安縣屬新州

考宣鎮志長慶二年改媯川郡仍為媯州領縣一懷戎改涿鹿為新州領縣四
永興砦山龍門懷安按此懷邑得名之始

武宗會昌年置山北八軍 新州曰武定軍縣屬之

後唐莊宗同光二年改武定軍為威塞軍

潞王清泰三年晉石敬瑭割山後諸州賂契丹契丹建國號曰遼是時縣地入

宋

遼屬奉聖州尋改屬大同府隸西京道

真宗祥符七年契丹分歸化地置德州

(今左衛地)

領縣四

一懷安

(即今縣地)

一威寧

(今左衛西北)

按遼史歸化州本唐之武州遼改名歸化州領縣文德後分文德地置懷安縣屬奉聖州尋改隸屬大同府其德州唐會昌中以西德店置遼開泰八年以漢戶復置領縣宣德故漢桐過縣地

徽宗宣和四年金陷契丹舊武新婦等州以其地來歸六年復陷於金仍屬西

京路

孝宗乾道三年金改歸化州為宣化州復更為宣德州省德州以所屬縣屬之

按宣德即今宣化縣舊為文德即漢下落縣故地金大定二十九年更名

光宗紹熙三年金置撫州尋升為鎮寧軍

理宗景定元年陞撫州為隆興府割宣德之懷安等縣屬之

元

初屬宣德州 中統三年改屬興和路

明

洪武二年取興和路三年宣德諸郡縣皆平徙其民於居庸關改宣德曰宣府
縣廢 二十六年置懷安衛於懷安廢縣之西二十里（即今縣治）以北平都指揮使司
領之

永樂十六年革北平都指揮使司 衛隸京師

宣德五年置萬全都指揮使司以懷安諸衛所屬之 隸京師如故

正統三年宣府設巡撫都御史統轄關外之諸衛地方

成化十年置分守西路叅將於柴溝堡以張家口萬全左衛膳房新河屬
上西路洗馬林柴溝堡西陽河懷安屬下西路

崇禎八年以上下西路並懷安南界之南山路隸分守道

清

順治八年以懷安衛屬萬全都司裁宣府巡撫及柴溝堡參將等官

康熙四年改隸山西尋仍舊二十七年台臣條奏衛所歸併州縣部覆仍舊存留三十二年改懷安衛為懷安縣併左衛柴溝堡以西陽河附之屬宣化府隸直省保定布政使司

道光二年改萬全驛丞設巡檢駐柴溝堡

中華民國二年中央劃一行政官廳組織裁柴溝堡巡檢

並裁府設道，懷安改屬口北道縣界仍舊

民國十七年南北統一遷國都於南京改北京為北平易直隸省為河北進察區為行省即以口北道所屬十縣與察區原轄張北多倫沽源康保寶昌商都六縣合組一察哈爾省懷安縣屬之定為三等縣

經緯度

懷安縣位於察哈爾省之西南部，居外邊牆之內，全境經緯度，東起東經一百一十四度四十二分，西迄東經一百一十四度八分，南起北緯四十度九分，北迄北緯四十度五十分。

四界八到

本縣區域，歷代不同，自清康熙三十二年改衛為縣，始行劃定，相沿至今，其清代以前，歷朝伸縮之沿革，另詳沿革志，此不贅，茲僅就現在區域之四界八到，分述於左：

北界萬全縣境，距縣城九十里之得勝堡與之接壤，
南界陽原縣境，距縣城四十五之馮奈莊與之接壤，

東界宣化縣境，距縣城八十里之太平寨與之接壤。

西界山西省天鎮縣境，距縣城三十里之枳兒嶺與之接壤。

東北界萬全宣化兩縣境，距縣城八十里之許家莊與之接壤。

東南界宣化縣境，距縣城三十里之北口堡與之接壤。

西北界張北及綏遠省興和縣境，距縣城一百里之馬市口與興和接壤。

西南界陽原縣及山西省天鎮縣境，距縣城五十五里之馬家溝與之接壤。

幅員

本縣全境面積九千五百方里，東西廣一百一十里，南北袤一百三十五里，周圍約共長五百九十里。

形勢

懷安縣介于宣大之間，外毗邊塞，內屏幽燕，羣山糾繞，地極險要，漢唐以來，或屬中國，或淪異族，早為兵家所重視。迨至朱明，尤為敵衝，警屢至焉。成化十年，置分守西路參將於柴溝堡，以張家口萬全左衛膳房新河口屬上西路，洗馬林柴溝堡西陽河懷安屬下西路。現張家口萬全膳房新河口洗馬林等處，已屬萬全縣。而左衛柴溝堡西陽河并歸懷安，其扼要更甚於前。蓋西陽河柴溝堡左衛，在明時當西北之要衝，為東北之屏障，李信屯居懷安天鎮之交，尤為宣大咽喉，故舊志云李信屯以一旅當之首尾咸應，不惟止遏北兵，亦可潛消意外，如李信屯失，懷柴不保，宣大隨危，而居庸震驚矣，此懷安縣在

昔形勢之衝要，而謂為燕京鎖鑰者，良有以也。自清入關，蒙古內向邊塞晏然，然對李信屯西陽河左衛柴溝等地，仍未輕視，設官屯兵，嚴如前代，其要害可知。今者五族一家，固無防禦之必要，然以安不忘危，既具天然形勢，又有古人控制遺蹟可尋，詎可任其湮沒乎？爰述古今形勢變遷之大畧分志於下：

懷安在明代之形勢

古代戰術，純用人力，故每依山河為險要，懷安縣境，萬山叢列，又居洋河上游，古昔稱為要地。迨至朱明光復中原，雖已統一，而元裔盤踞蒙古，猶不時南下，懷安既通邊地，適成內地門戶，故屯兵設將，不遺餘力。在當時以縣之西陽河李信屯柴溝堡為尤要，而左衛渡口

堡次之，緣西陽河位於縣之西北，為通興和大道，山峯聳蔽於北，洋河臨灌於東，依山傍河，攻守自易。李信屯位縣之西，兩山夾峙，山盡處緊與大同接壤，屯兵一旅敵不敢東，故視為宣化咽喉焉。柴溝堡據東西南洋河之會合處，三面環山，西可控制西陽河，援應李信屯，東向又能回顧左衛之急，實為西路之中樞也。至渡口堡介柴溝堡西陽河之間，背山面河，聲息相通，在軍事上亦占重要之地勢也。左衛居洋河南岸，與張家口新河口相望，東可屏蔽宣化，北可援應張新兩口，亦屬扼要重鎮矣。此為懷安在明代時之形勢大畧也。

在清代之形勢

滿清入關，蒙古內附，本縣形勢，隨之大變，向之視為邊疆重地，今又